

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02 -11-4-1483-5/20

Datum: 07.05.2020.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka a), a u vezi sa članom 70. stav 1., 3. i 6. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke potrošnog materijala za fotolaboratoriju, putem konkurentskog zahtjeva za dostavu ponuda, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O IZBORU NAJPOVOLJNIJEG PONUĐAČA I DODJELI UGOVORA

I

Prihvata se preporuka Komisije za sukcesivne javne nabavke i ugovor za javnu nabavku potrošnog materijala za fotolaboratoriju Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Primaprom d.o.o. Banja Luka za ponuđenu cijenu od 49.000,00 KM bez PDV-a.

II

Prijedlog ugovora o nabavci dostavit će se na potpis izabranom ponuđaču Primaprom d.o.o. Banja Luka po isteku roka od 15 dana, računajući od dana kada svi ponuđači budu pismeno obaviješteni o izboru najpovoljnije ponude.

III

Izabrani ponuđač dužan je da u roku od 5 (pet) dana od dana prijema ove odluke dostavi dokumente navedene u tačkama 13. i 14.2 tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-1483/20 od 31.03.2020. godine i Obavještenja o nabavci broj: 16475-7-1-35-3-35/20 od 03.04.2020. godine, proveden je konkurentski zahtjev za dostavu ponuda javne nabavke potrošnog materijala za fotolaboratoriju za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-1483/20 od 21.04.2020. godine, za aktivno učešće u postupku dostavljene su ponude ponuđača Primaprom d.o.o. Banja Luka, Papiilon d.o.o. Sarajevo i Shot d.o.o. Zenica.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-1483-3/20 od 04.05.2020. godine, kojim je utvrdila sljedeće:

- da ponuda ponuđača Papiilon d.o.o. Sarajevo nije prihvatljiva. Naime, navedeni ponuđač u svojoj ponudi nije dostavio obične kopije dokumenata kojima dokazuje svoju ekonomsko-finansijsku sposobnost (član 47. Zakona), a u skladu sa tačkom 14.2. tenderske dokumentacije, i to: Izvještaj o svim računima koje ima privredni subjekat izdat od strane Centralne banke BiH i potvrdu da račun, koji je označen kao glavni račun ponuđača, nije bio blokiran u zadnjih šest mjeseci, izdatu od strane banke.

- da ponude ponuđača Primaprom d.o.o. Banja Luka i Shot d.o.o. Zenica sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjavaju sve zahtjeve Ugovornog organa.

Nakon ovoga stekli su se uslovi za zakazivanje e-aukcije.

E-aukcija je zakazana za dan:

- 06.05.2020. godine sa početkom u: 10.00 sati.

Postupajući u skladu sa članom 3., te članom 4. stav 6. Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije došlo je do smanjivanja cijena i podnošenja novih ponuda.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača, i to:

- Primaprom d.o.o. Banja Luka sa konačnom ukupnom cijenom ponude u iznosu od 49.000,00 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), Zapisnikom o pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 5 (pet) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj:39/14).

POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke

2. Ponuđačima x3

3. Odjeljenju za odnose s javnošću, radi objave na web stranici ovog organa

4. a/a